

## 3. gr.

Reglugerð þessi er sett skv. heimild í 46. gr. laga nr. 68/1971, sbr. 8. gr. laga nr. 60/1973.

Reglugerð þessi öðlast þegar gildi. Jafnframt er reglugerð nr. 1 10. janúar 1972 úr gildi felld.

*Fjármálaráðuneytið, 23. desember 1974.*

**Matthías Á. Mathiesen.**

*Þorsteinn Geirsson.*

**REGLUGERÐ****um stjórn og skipulag póst- og símamála.**

## 1. gr.

- 1.1. Stjórn póst- og símamála er í höndum póst- og símamálastjóra undir yfir-  
stjórn samgönguráðherra. Póst- og símamálastjóri er framkvæmdastjóri þeirrar  
ríkisstofnunar, sem annast rekstur Pósts og síma.
- 1.2. Stofnunin greinist í þrjár aðaldeildir — hagdeild, tæknideild og rekstrardeild.  
Aðaldeildir greinast svo aftur í undirdeildir, samkvæmt skipuriti, sem ráð-  
herra staðfestir.
- 1.3. Nánustu aðstoðarmenn póst- og símamálastjóra eru forstöðumenn hinna  
þriggja aðaldeilda.
- 1.4. Landinu skal skipt í póst- og símaumdæmi. Umdæmi I nær frá sýslumörkum  
Snæfellsness- og Dalasýslu að vestan og á Skeiðarársand að austan. Undir  
umdæmisstjóra í umdæmi I heyrir öll starfsemi póst-, síma- og radióstöðva  
stofnunarinnar í umdæminu. Umdæmisstjóri heyrir beint undir póst- og síma-  
málastjóra. Önnur umdæmi Pósts og síma skulu vera óbreytt, þar til annað  
verður ákveðið.
- 1.5. Auk funda með einstökum forstöðumönnum um sérmál þeirra, heldur póst-  
og símamálastjóri, svo oft sem þörf þykir, fundi með forstöðumönnum aðal-  
deilda og annarra deilda til þess að ræða sameiginleg mál og önnur meiri  
háttar mál, sem hann telur rétt að ræða á slíkum fundi.

## 2. gr.

- 2.1. Starfssvið aðaldeilda er í höfuðatriðum sem hér segir:
- 2.2. **Hagdeild** annast yfirlit yfir fjárreiður, aðalendurskoðun og sjóðskoðanir,  
aðalskýrslugerðir, almenn starfsmannamál o. fl.
- 2.3. **Rekstrardeild** annast almenn viðskiptamál Pósts og síma og umsjón með  
viðskiptastöðvunum, utan þess sem umdæmisstjóra í umdæmi I er falið,  
enn fremur aðalbókhald, póstgíró, aðalgreiðsludeild o. fl.
- 2.4. **Tæknideild** annast tæknimál og áætlanagerð stofnunarinnar, þ. m. t. rekstur  
radió- og símakerfa ásamt rekstri aðalbirgðavörslu stofnunarinnar, húsbýgg-  
ingar o. fl., utan þess sem umdæmisstjóra í umdæmi I er falið.
- 2.5. Undir umdæmisstjóra í umdæmi I heyrir öll starfsemi póst-, síma- og radió-  
stöðva í umdæminu, þ. á m. radióstöðvarnar í Gufunesi, á Rjúpnahæð, út-  
varpsstöð á Vatnsenda, Lóranstöðvarnar á Gufuskálum og Reynisfjalli, Póst-  
stofan í Reykjavík og Símostöðin í Reykjavík.

2.5.1. Aðalpóststofan í Reykjavík annast rekstur póststofunnar, póstafréiðslna og bréfhirðinga í Reykjavík og nágrenni.

Þessari starfsemi stjórnar póstmeistari í Reykjavík.

2.5.2. Símsstöðin í Reykjavík annast rekstur símakerfisins í Reykjavík, þ. m. t. rekstur ritsímans og handvirku talsímastöðvarinnar í Reykjavík.

Þessari starfsemi stjórnar símsstjórinn í Reykjavík.

2.6. Póst- og símamálastjóri ákveður nánar um verkaskiptingu þessara deilda.

### 3. gr.

3.1. Öllum stjórnendum Pósts og síma ber, hverjum á sínu sviði, að vinna að góðu skipulagi og hagkvæmum rekstri og fylgjast vel með þeim framförum, sem verða í öðrum löndum.

3.2. Þeim ber að leggja fyrir póst- og símamálastjóra tillögur sínar um endurbætur í sinni deild og hafa nána samvinnu sín á milli um sameiginleg mál.

### 4. gr.

Reglugerð þessi er hér með sett samkvæmt lögum nr. 8, 9. janúar 1935, um stjórn og starfrækslu póst- og símamála, til þess að öðlast gildi 1. janúar 1975. Frá sama tíma falla niður reglugerð nr. 77/1956 um skipulag Pósts og síma og reglugerð nr. 177/1960 um breytingu á þeirri reglugerð, samanber þó ákvæði til bráðabirgða hér á eftir.

#### Ákvæði til bráðabirgða.

Til 31. mars 1975 skal ritsíma- og langlínumiðstöðin í Reykjavík starfa á sama hátt og áður samkvæmt eldri reglum, undir stjórn ritsímastjórans í Reykjavík, sem jafnframt skal vera umdæmisstjóri umdæmis I hjá Pósti og síma til sama tíma. Frá og með 31. mars 1975 skulu ákvæði 2. gr. hér að framan öðlast gildi að öllu leyti og starfsemi ritsíma- og langlínumiðstöðvarinnar þá sameinuð annarri starfsemi símsstöðvarinnar í Reykjavík.

Frá sama tíma skal skipaður umdæmisstjóri fyrir umdæmi I hjá Pósti og síma.

*Samgönguráðuneytið, 20. desember 1974.*

**Halldór E. Sigurðsson.**

*Brynjólfur Inghólfsson.*

## AUGLÝSING

### um innheimtu ýmissa gjalda með viðauka.

Ríkisstjórnin hefur ákveðið að nota heimild laga nr. 94 23. desember 1974 og innheimta á árinu 1975 með viðauka eftirtalin gjöld til ríkissjóðs:

- a. Með 140% viðauka stimpilgjöld af öðru en afsölum fyrir fasteignum og skipum, leigusamningum um jarðir og lóðir og af kaupmálum.
- b. Með 140% viðauka, leyfisbréfastgjöld, önnur en þau, er um ræðir í aukatekju-lögum nr. 104/1965.

Álagið skal reikna þannig, að hver gjaldeining hækki um þann hundraðshluta, sem um ræðir í 1. gr., eða broti úr eyri, sem myndast við viðbót þessa, skal sleppt.

*Fjármálaráðuneytið, 23. desember 1974.*

**F. h. r.**

**Höskuldur Jónsson.**

*Þorsteinn Geirsson.*